



ქალაქ ფოთის მუნიციპალიტეტის საკრებულო



განკარგულება N 14/56

2019 წლის 16 ივნისი

ქალაქი ფოთი

ქალაქ ფოთის მუნიციპალიტეტის იერსახის (მიტოვებული შენობების და მიწის ნაკვეთების, დაუმთავრებელი შენობა-ნაგებობების) მოწესრიგებასთან დაკავშირებით დროებითი სამუშაო ჯგუფის შექმნისა და პერსონალური შემადგენლობის დამტკიცების შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ვ“ ქვეპუნქტის შესაბამისად, მუნიციპალიტეტის კომპეტენციაა მუნიციპალიტეტის ტერიტორიის კეთილმოწყობა.

ქალაქ ფოთის მუნიციპალიტეტის ტერიტორიაზე უსახური შენობების, მიტოვებული მიწის ნაკვეთების, არსებული ტერიტორიის მოწესრიგების მიზნით მიზანშეწონილია საკრებულოში შეიქმნას დროებითი სამუშაო ჯგუფი.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის, „ბ.ე“ ქვეპუნქტის შესაბამისად, მუნიციპალიტეტის საკრებულოს უფლებამოსილებებს განეკუთვნება მუნიციპალიტეტის საკრებულოს დროებითი სამუშაო ჯგუფის შექმნა და დროებითი სამუშაო ჯგუფის პერსონალური შემადგენლობის დამტკიცება.

საქართველოს ორგანული კანონის „ადგილობრივი თვითმმართველობის კოდექსის“ 29-ე მუხლის პირველი, მე-2 და მე-3 პუნქტების შესაბამისად, მუნიციპალიტეტის საკრებულო უფლებამოსილია ცალკეულ საკითხთა შესასწავლად, საჭიროების შემთხვევაში შექმნას დროებითი სამუშაო ჯგუფები. მუნიციპალიტეტის საკრებულოს დროებითი სამუშაო ჯგუფის ხელმძღვანელსა და წევრებს სამუშაო ჯგუფის უფლებამოსილების ვადით, რომელიც არ უნდა აღემატებოდეს 3 თვეს, თავისი შემადგენლობიდან ირჩევს მუნიციპალიტეტის საკრებულო. მუნიციპალიტეტის საკრებულოს დროებით სამუშაო ჯგუფში მუნიციპალიტეტის საკრებულოს წევრები შეყვანილი უნდა იქნენ მუნიციპალიტეტის საკრებულოს ფრაქციათა წარმომადგენლობისა და იმ მუნიციპალიტეტის საკრებულოს წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში.

მუნიციპალიტეტის საკრებულოს რეგლამენტით დადგენილი წესით დროებითი სამუშაო ჯგუფის წევრად სამუშაო ჯგუფის უფლებამოსილების ვადით, სათათბირო ხმის უფლებით შეიძლება სხვა პირთა მოწვევაც.

აღნიშნულიდან გამომდინარე:

მუხლი 1.

1.ქალაქ ფოთის მუნიციპალიტეტის იერსახის (მიტოვებული შენობების და მიწის ნაკვეთების, დაუმთავრებელი შენობა-ნაგებობების) მოწესრიგებასთან დაკავშირებით შეიქმნას დროებითი სამუშაო ჯგუფი და დამტკიცდეს დროებითი სამუშაო ჯგუფის პერსონალური შემადგენლობა:

ა)თორნიკე შონია-ქონების მართვისა და ბუნებრივი რესურსების საკითხების კომისიის თავმჯდომარე, დროებითი სამუშაო ჯგუფის ხელმძღვანელი;

ბ)აკაკი დარჯანია-საკრებულოს თავმჯდომარის მოადგილე, დროებითი სამუშაო ჯგუფის წევრი;

გ)ზურაბ ჩაჩუა-ფრაქცია „ქართული ოცნების“ თავმჯდომარე, დროებითი სამუშაო ჯგუფის წევრი;

დ)სამსონ კუტალია-ფრაქცია „ქართული ოცნების“ თავმჯდომარის მოადგილე, დროებითი სამუშაო ჯგუფის წევრი;

ე)ხვიჩა ცხვიტარია-იურიდიულ, სამანდატო, საპროცედურო საკითხთა და ეთიკის კომისიის თავმჯდომარე, დროებითი სამუშაო ჯგუფის წევრი;

ვ)ზვიად დგებუაძე-ფრაქცია „ქართული ოცნება-კონსერვატორების“ თავმჯდომარე, დროებითი სამუშაო ჯგუფის წევრი;

ზ)პაატა ჩაგანავა-ფრაქცია "კოლხეთის"თავმჯდომარის მოადგილე, დროებითი სამუშაო ჯგუფის წევრი;

თ)ბეჭა ვაჭარაძე-სივრცით - ტერიტორიული დაგეგმარების და ინფრასტრუქტურის კომისიის თავმჯდომარე, დროებითი სამუშაო ჯგუფის წევრი;

ი)მამუკა ხორავა-ფრაქცია „ფოთის“ თავმჯდომარის მოადგილე, დროებითი სამუშაო ჯგუფის წევრი.

2.სათათბირო ხმის უფლებით, დროებითი სამუშაო ჯგუფის საქმიანობაში მონაწილეობის მიღება ეთხოვოს:

ა)კონსტანტინე თოფურიას-ქალაქ ფოთის მუნიციპალიტეტის მერის მოადგილე.

ბ)თენგიზ შონიას-ქალაქ ფოთის მუნიციპალიტეტის მერის არქიტექტურის, სივრცითი მოწყობისა და ადმინისტრაციული ზედამხედველობის სამსახურის უფროსის მოვალეობის შემსრულებელი.

გ)დავით ჯგერენაიას-ქალაქ ფოთის მუნიციპალიტეტის მერის არქიტექტურის, სივრცითი მოწყობისა და ადმინისტრაციული ზედამხედველობის სამსახურის ადმინისტრაციული ზედამხედველობისა და გარემოს დაცვის განყოფილების უფროსი.

დ)გიორგი ხაუმიას-ქალაქ ფოთის მუნიციპალიტეტის მერიის საფინანსო-საბიუჯეტო სამსახურის ქონების მართვის განყოფილების უფროსი, საჯარო დაწესებულების მეორადი სტრუქტურული ერთეულის ხელმძღვანელი.

ე)გიორგი აბშილავას-ქალაქ ფოთის მუნიციპალიტეტის მერიის ადმინისტრაციული სამსახურის იურიდიული განყოფილების პირველი კატეგორიის უფროსი სპეციალისტი.

3.დროებითმა სამუშაო ჯგუფმა აღნიშნული განკარგულების მიღებიდან სამი თვის ვადაში ქალაქ ფოთის მუნიციპალიტეტის საკრებულოს წარუდგინოს წინადადებები ქალაქ ფოთის მუნიციპალიტეტის იერსახის მოწესრიგებასთან და არსებული პრობლემების აღმოფხვრასთან დაკავშირებით.

4.დროებითი სამუშაო ჯგუფის საქმიანობაში მონაწილეობის მიღების უფლება აქვს ყველა დაინტერესებულ პირს საქართველოს კანონმდებლობით დადგენილი მოთხოვნების დაცვით.

5.დროებითი სამუშაო ჯგუფის წევრებმა საქმიანობა განახორციელონ უსასყიდლოდ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილისა და საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, „ადგილობრივი თვითმმართველობის კოდექსის” საქართველოს ორგანული კანონის 62-ე მუხლის პირველი პუნქტის შესაბამისად, აღნიშნული განკარგულება შეიძლება გაასაჩივროს დაინტერესებულმა მხარემ ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2019 წლის 16 ივნისიდან.

საკრებულოს თავმჯდომარე



ირაკლი კაკულია